



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FE-233	20/871

LØYVING AV ØKONOMISK TILSKOT TIL FILMPROSJEKT OM PROFILERING AV VAKSDAL KOMMUNE SOM BUSTAD

Vedlagte saksdokument:

Søknad om tilskot til filmprosjekt

Rådmannen sitt framlegg til vedtak:

Bygdeutviklingsutvalet i Vaksdal kommune (BU) løyver kr. 7 000,- i tilskot til utarbeiding av profileringsfilm om kvalitetar ved å bu i Vaksdal, til bruk på sosiale medie. Løyvinga tek utgangspunkt i «Retningsliner for tilskot til bygdeutvikling».

Tilskotet vert tildelt føretaket Stamnes dronefoto, ved Rune Langeland. Utbetaling skjer på grunnlag av dokumenterte utgifter med filmprosjektet, tilsvarende løyvd tilskotssum. Tilskotet er knytt opp mot arbeidskostnadar og direkte investeringar for prosjektet.

Det vert sett som føresetnad for tilskotet at naudsynte løyve er innhenta før oppstart.

Saksopplysningar:

Samandrag/konklusjon (kort om saka)

Rune Langeland, som driv føretaket Stamnes dronefoto, søker Bygdeutviklingsutvalet i Vaksdal kommune om kr. 7 000,- i stønad til å lage film som profilerer Vaksdal kommune som stad å bu. Bakgrunnen for initiativet er nedgangen i folketalet i kommunen dei siste åra. Føremålet med prosjektet er å vise fram kva dei ulike bygdene i Vaksdal har å by på som buplassar, vonleg for å skape interesse som kan medverke til tilflytting og positiv folketalsutvikling.

Rådmannen viser til politikarane sine diskusjonar om problemstillinga kring folketalsutvikling, med planar om eit tiltaksprogram for å fremje utviklinga. Søkjar sitt initiativ vert vurdert som positivt, og innhaldet i søknaden fell saman med Bygdeutviklingsutvalet sine retningsliner for tildeling av tilskotsmidlar.

Rådmannen går inn for at Bygdeutviklingsutvalet løyver kr. 7000,- i tilskot til den planlagte filmen (tilsvarende søknadsbeløpet).

Søknaden, med saksutgreiing, vert lagt fram for Bygdeutviklingsutvalet til handsaming.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen.

I søknad av 11. juli 2020, søker Rune Langeland om kr. 7 000,- i tilskot frå ordninga til å lage ein profileringsfilm om kvalitetar ved å bu i Vaksdal kommune. Søknaden tek utgangspunkt i dagens, negative folketalsutvikling og lokale drøftingar om problemstillinga, saman med søker sitt eige engasjement for saka. Ynskjemålet er at filmen skal skape interesse for å flytte til bygdene i Vaksdal, og medverke til positive innbyggjartal.

Føremålet med filmen er å vise fram kva bygdene i kommunen har å by på som buplassar. Filmen skal vere kort og konkret, og hovudsakleg lagast ved å filme frå drone. Prosjektet er eit privat initiativ, og «Stamnes dronefoto Rune Langeland» står som ansvarleg for utarbeiding/produksjon. Søklar opplyser at tiltaket ikkje er kommersielt motivert.

Søklar har god tru på nytten/verknaden av planlagt tiltak, sidan filmen kan leggjast ut og spreist på sosiale medie, og soleis femne breitt.

Søklar har laga eit utkast til film, og inviterer til innspel. Link til utkastet:

<https://www.youtube.com/watch?v=7nguis3MnYE&feature=youtu.be>

Det vert vist til vedlagt søknad for nærare informasjon om prosjektet.

Formelt grunnlag

Retningslinjer for tildeling av tilskot frå Bygdeutviklingsutvalet, vedtekne på møtet av 26.05.20:

- Løyving av tilskot til søknadar med søknadssum under kr. 15 000,- kan skje i kvart møte.
- Løyving av tilskot til søknadar over kr. 15 000,- skjer to gongar i året.
- Tilskotsordninga er ny, og tildelingar i tidleg fase vil kunne vere med å legge retning for kven som seinare skal kunne søkje midlar frå BU. Utvalet må derfor vurdere om innkomne søknadar er i tråd med vilkåra for tilskotsordninga.

Vurdering og konsekvensar

Folketalsutviklinga i Vaksdal kommune er ein aktuell og mykje diskutert problemstilling. Rådmannen viser i dette høve til politikarane sine diskusjonar om utfordringar og mogelege tiltak for å fremje utviklinga. Ut frå dette vert søker sitt initiativ for å lage ein kort, visuell film om kvalitetane ved å bu i kommunen, vurdert som positivt. Gjennom utlegging på sosiale medie vil filmen kunne nå mange sjåarar, og skape interesse for å undersøkje butilbodet i Vaksdal nærare.

I følgje retningslinjene for tildeling av tilskot til bygdeutvikling, kan det gjevast tilskot til prosjekt/tiltak/aktivitetar, og til innkjøp av materiell/utstyr. Søknaden er i samsvar med begge kostnadstypene.

Sjølv om det ikkje ligg føre eige, spesifisert budsjett, vert kostnadsoverslaget i søknaden vurdert å vere tilstrekkeleg til å innfri retningslinjene sine krav om dette:

- *Innkjøp av utstyr m.m.* : Om lag kr. 150 000,-, jf. spesifisering i søknaden.
- *Innkjøp av drone, spesielt til føremålet* : Om lag kr. 7 000

Det er ikkje rekna inn kostnadar med eige arbeid i søknaden, og søknadsbeløpet er lite ut frå venta prosjektkostnadar. Søkjar legg opp til høg grad av eigenfinansiering.

Rådmannen legg til grunn at lydspora/teksten til filmen får ei faktisk og objektiv framstilling.

Rådmannen vurderer at søknaden fell innanfor formålet med tilskotsordninga som Bygdeutviklingsutvalet forvaltar, og rår til løyving av kr. 7000,- til utarbeiding av filmen (tilsvarande søknadsbeløpet). Det er naturleg at tilskotet vert knytt opp mot arbeidskostnadar og investeringar som følgje av prosjektet.

Løyvd tilskot bør utbetalast på bakgrunn av dokumenterte utgifter, jf. vedtak.